

Opasnosti na putu samoizgradnje



Pogibeljnost strasti

بَلِ اتَّبَعَ الَّذِينَ ظَلَمُوا أَهْوَاءَهُمْ بِغَيْرِ عِلْمٍ فَمَنْ يَهْدِي مَنْ أَضَلَّ اللَّهُ وَ مَا لَهُمْ مِّن نَّاصِرِينَ

Ali, nasilnici bez ikakvog znanja slijede strasti svoje, a ko će na pravi put uputiti onoga koga je

Allah u zabludi ostavio? – njima niko neće moći u pomoć priteći.[1]

Allahov Poslanik, s.a.v.a., je rekao: „Mnoga strast koja traje samo jedan čas prouzrokuje žalost dugotrajnu!”[2]

[Allahov Poslanik, s.a.v.a., je rekao: „Tražite u Allaha zaštitu od strasti!”[3]

Strast je bog kojem se robuje

أَرَأَيْتَ مَنْ اتَّخَذَ إِلَهَهُ هَوَاهُ أَفَأَنْتَ تَكُونُ عَلَيْهِ وَكِيلًا

Kaži ti Meni, hoćeš li ti biti zaštitnik onome koji je strast svoju za boga svoga uzeo?[4]
Allahov Poslanik, s.a.v.a., je rekao: „Pod nebom nema većeg boga kojem se – umjesto Bogu –
[robuje, od strasti koja se slijedi.“[5]

Suprotstavljanje strastima

وَأَمَّا مَنْ خَافَ مَقَامَ رَبِّهِ وَنَهَى النَّفْسَ عَنِ الْهَوَىٰ * فَإِنَّ الْجَنَّةَ هِيَ الْمَأْوَىٰ

A onome koji je pred dostojanstvom Gospodara svoga strepio i dušu od prohtjeva uzdržao,
Džennet će sigurno biti boravište.[6]

Allahov Poslanik, s.a.v.a., je rekao: „Blago onome ko je napustio svoju prisutnu strast za
[obećano koje nije vidio!“[7]

Najjači je čovjek koji pobijedi svoje strasti

Allahov Poslanik, s.a.v.a., je rekao: „Najhrabriji je čovjek koji pobijedi svoje strasti.“[8]

U djelu Tenbihu-l-havatirstoji: „Pripovijeda se da je Allahov Poslanik, s.a.v.a., prošao pokraj ljudi među kojima je bio čovjek koji je podizao kamen zvani 'kamen snažnih', i prisutni su bili ushićeni njime... Tada im je Poslanik, s.a.v.a., rekao: 'Hoćete li da vas obavijestim o onome ko je snažniji od njega? To je čovjek kojeg je grdio drugi čovjek, a on je prema njemu bio trpeljiv i
[pobijedio strast svoju, svoga šejtana i šejtana druga svoga.“[9]

Onome ko pobijedi svoju strast ovaj svijet dolazi silom

Allahov Poslanik, s.a.v.a., je rekao: „Bog Svevišnji kaže: 'Tako mi Mojih sile i visosti, nijedan čovjek neće dati prednost želji Mojoj nad željom svojom, a da ga Ja neću povjeriti melekima Mojim na čuvanje, staviti u obavezu Nebesima i Zemlji opskrbu njegovu i biti mu iza trgovine

[svakog trgovca; njemu će Ovaj svijet silom doći.]”[10

Er-Rum, 29. [1]

[2] El-Emali li-t-Tusi, str. 533, predaja 1162.

[3] Kenzu-l-‘ummal, sv. 3, str. 199, predaja 6160.

[4] El-Furkan, 43.

[5] El-Mu’džemu-l-kebir, sv. 8, str. 103.

[6] En-Nazi’at, 40-41.

[7] Tuhafu-l-‘ukul, str. 49.

[8] Me’ani-l-ahbar, str. 195, predaja 1.

[9] Tenbihu-l-havatir, sv. 2, str. 10.

. [10] El-Kafi, sv. 2, str. 335, predaja 2